



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD VISOKO
GRADONAČELNIK**

Broj: 09/3-45-1-767/24

Datum: 28.04.2024. godine

Na osnovu člana 70. Zakona o javnim nabavkama Bosne i Hercegovine ("Službeni glasnik Bosne i Hercegovine" broj: 39/14 i 59/22), Pravilnika o javnim nabavkama Grada Visoko broj: 01/1-02-179/24 od 31.01.2024. godine, otvorenog postupka javne nabavke za održavanje javnih zelenih površina, pokrenutog Odlukom broj: 09/3-45-1-767/24 od 14.02.2024. godine i objavljenog na Portalu javnih nabavki Obavještenjem o nabavci broj: 870-1-2-26-3-41/24 od 15.02.2024. godine, gradonačelnik Grada Visoko putem Službe za opću upravu i zajedničke poslove, Odsjeka za javne nabavke d o n o s i:

**ODLUKU
o izboru najpovoljnijeg ponuđača**

I

Komisija je konstatovala da je ponuda ponuđača: JKP „Gradska groblja” d.o.o. Visoko dostavljena u skladu sa uslovima iz Tenderske dokumentacije.

U skladu sa navedenim i kriterijem za dodjelu ugovora, najpovoljnijim ponuđačem proglašava se:

JKP „Gradska groblja” d.o.o. Visoko
(sa cijenom ponude u iznosu od 273.497,65 KM bez PDV-a)

II

Po sticanju uslova za zaključenje ugovora, Ugovorni organ će pozvati izabranog ponuđača radi zaključenja ugovora u skladu sa zahtjevima - uslovima Ugovornog organa navedenim u otvorenom postupku.

III

Odluka stupa na snagu istekom roka za žalbu.

Obrazloženje

Grad Visoko je pokrenuo otvoreni postupak javne nabavke za Održavanje javnih zelenih površina Odlukom o pokretanju postupka broj: 09/3-45-1-767/24 od 14.02.2024. godine.

Postupak je objavljen na portalu javnih nabavki Obavještenjem o nabavci broj: 870-1-2-26-3-41/24 dana 15.02.2024.godine i u Službenom glasniku BiH.

U skladu sa članom 13. Zakona o javnim nabavkama BiH („Službeni glasnik BiH” broj: 39/14, 59/22) i Pravilnikom o uspostavljanju komisije za javne nabavke („Službeni glasnik BiH”, broj: 103/14, 49/23) Komisija je imenovana Rješenjem broj: 09/3-45-1-767/24 od 14.02.2024. godine, u sastavu:

1. Seid Burić, predsjednik,
2. Aida Brkić - Burić, član
3. Mahir Karavdić, član
4. Zilha Sirćo, sekretar

1. Adna Smajić, zamjenik predsjednika
2. Mirela Zukić, zamjenik člana
3. Almir Osmanbegović, zamjenik člana
4. Abas Avdagić, zamjenik sekretara

U roku za dostavljanje ponuda 01.04.2024. godine (ponedjeljak) do 12:00 sati dostavljena je ponuda ponuđača:

1. JKP „Gradska groblja” d.o.o. Visoko

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju TD od strane ponuđača utvrđeno je da je ponuđač koji je dostavio ponudu, preuzeo i TD.

Dana 01.04.2024. godine (ponedjeljak) do 12:15 sati Komisija je pristupila otvaranju blagovremeno pristigle ponude.

Predsjednik Komisije je pročitao cijene ponuda i to:

Red. br.	Ponuđač	Ukupna cijena KM bez PDV-a	Rok izvršenja usluga iskazan u satima	Popust (KM bez PDV-a)
1.	JKP „Gradska groblja” d.o.o. Visoko	273.497,65	1 sat	nema

Kada je riječ o dostavljanju kopija zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama (“Službeni glasnik BiH”, broj: 39/14, 59/22).

Ponuda ponuđača **JKP „Gradska groblja” d.o.o. Visoko** je prihvatljiva, blagovremena, računski tačna i dostavljena u skladu sa uslovima iz Tenderske dokumentacije. Ponuđač je okviru ponude dostavio dokumentaciju iz člana 45. Zakona o javnim nabavkama (“Službeni glasnik BiH”, broj: 39/14, 59/22), te je ista u skladu sa uslovima iz Tenderske dokumentacije.

U skladu sa prethodno navedenim Komisija je predložila Ugovornom organu da donese Odluku o izboru najpovoljnijeg ponuđača:

JKP „Gradska groblja” d.o.o. Visoko sa cijenom ponude u iznosu od 273.497,65 KM bez PDV-a.

U skladu sa navedenim i prijedlogom Komisije odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od 10 (deset) dana od dana prijema Odluke. Žalba se ulaže Ugovornom organu u pisanoj formi direktno ili preporučenom poštanskom pošiljkom. Žalba se podnosi u 3 (tri) primjerka.

Dostavljeno:

1. JKP „Gradska groblja” d.o.o. Visoko,
2. Evidencija,
3. a/a.-

